





第五一二册

四庫全書

●上海古籍出版社

本冊目次

江南通志(六)

清趙弘恩等監修
黃之鶴等編纂……一

卷五十二冊

欽定四庫全書

史部
江南通志卷一百七十六

詳校官給事中臣丁雲錦

檢討臣德生覆勘

總校官編修臣王燕緒

校對官助教臣卜維吉

膳錄監生臣汪存垸

欽定四庫全書

江南通志卷一百七十六

人物志

列女

賢淑才媛附

周孫叔教母楚人叔教兒時出游見兩頭蛇殺而埋之歸而泣母問其故對曰聞見兩頭蛇者死今見之恐去母而死也母自蛇今安在曰恐他人又見殺而埋之矣母曰吾聞有陰德者必報以福汝不死也後果為楚相

欽定四庫全書

江南通志
卷一百七十六

秦陳嬰母東陽人嬰故東陽令吏居縣中素信謹稱為長者秦末大亂東陽少年殺其令相聚得二萬人欲立嬰為王母謂嬰曰自我為汝家婦未嘗聞汝先世有貴者今暴得大名不祥不如有所屬事成猶得封侯事敗易以亡非世所指名也嬰乃不敢為王以兵屬項梁

漢王陵母沛人陵始為縣豪高祖微時兄事陵高祖

起沛入咸陽陵亦聚黨數千人居南陽及高祖還
擊項羽陵乃以兵屬漢羽取陵母置軍中陵使至
則東嚮里陵母欲以招陵陵母既私送使者泣曰
願為老妾語陵善事漢王漢王長者母以老妾故
持二心妾以死送使者遂伏劍而死

漂母淮陰人韓信垂釣城下母哀憐而飯之竟漂
數十日信謂母曰吾必重報母母怒曰大丈夫不
能自食吾哀王孫而進食豈望報乎後信徙為楚

王至國召母賜以千金

嚴延年母東海下邳人延年為河南太守用刑刻
忍冬月論因流血數里河南號曰屠伯母從家來
欲從延年臘到雒陽適見報囚大驚便止都亭不
肯入府延年出至都亭謁母母閉閤不見延年免
冠頓首閤下良久母乃見之因數責延年延年服
罪因自為母御歸府舍母卑正臘謂延年天道神
明人不可獨殺我不意當老見壯子被刑戮也行

欽定四庫全書

江南通志
卷一百七十六

矣去汝東歸掃除墓地耳歲餘果敗東海莫不賢
知其母

後漢沛孝王廙祖母周夫人王有疾安帝詔領王家
事周明正有法禮漢安中熹順帝下詔曰沛王祖
母太夫人周秉心淑慎導王以仁使光祿大夫贈
以妃印綬

范滂母汝南細陽人建寧二年大誅黨人督郵吳
尊至縣挹詔書閉傳舍伏牀而泣滂聞之曰必為

我也即自詣獄其母就與之訣滂白母曰仲博孝

敬足以供養滂從龍舒君歸黃泉存亡各得其所
惟大人割不可忍之恩勿增感戚母曰汝今得與

李杜齊名死亦何恨既有令名復求壽考可兼得
乎滂跪受教再拜而辭行路聞之莫不流涕

陸續母吳人太守尹興辟續為別駕從事以病去

還為郡門下掾興坐事徵詣廷尉獄續主簿等詣
洛陽詔獄就考母遠至京師覘候消息獄事持急

欽定四庫全書

江南通志
卷一百七十六

無緣與續相聞但作饋食付門卒以進之續對食
悲泣不勝使者怪問其故續曰母來不得相見故
泣耳使者疑獄門吏卒適傳意氣召將案之續曰
因食餉羹識母所自調和故知來耳非人告也問
何以知母所作續曰母戕肉未嘗不方斷葱以寸
為度是以知之使者嘉之上書說續行狀帝即赦
與等事還鄉里

晉何無忌母劉氏彭城人征虜將軍建之女也弟牢

欽定四庫全書

江南通志
卷一百七十六

四

之為桓元所害劉氏每銜之常思報復及無忌與
劉裕謀而劉察其舉措有異喜而不言會無忌夜
於屏風內制檄文劉氏潛以器覆燭徐登梯窺之
既知泣而撫之曰我不如東海呂母明矣汝能如
此吾譽恥雪矣因問其同謀知事在裕尤喜乃說
元必敗義師必成之理以勸勉之後果如其言
劉惔母任氏蘄人有高識家貧與惔寓居京口惔
稍知名論者比之袁羊惔喜還告其母母曰此非

汝比勿受之又有方之范汪者惔復喜母又不聽
及惔年德轉升論者比之荀爽

唐王義方母泗州漣水人義方為侍御史將劾李義
府意必得罪即問計於母母曰昔王母伏劍成陵
之誼汝能盡忠吾死何恨義方遂以諫顯

桓彥範母丹陽人武后末年彥範為右羽林將軍
掌禁兵既與宰相張柬之等定匡復之計以事白
母母曰忠孝不並立義先國家可也彥範遂同東

欽定四庫全書

江南通志
卷一百七十六

五

之等引兵入宮廢太后奉中宗復位

陸贄母韋氏贄父偏為潭陽令卒於官氏訓贄成
大儒為唐賢相德宗時迎至京卒皇后轉遺因葬
洛陽

宋錢公輔母蔣氏常州宜興人公輔父兵部員外郎
治既歿母益進諸子於學衣食菲惡不以為愠均
親嫡庶有鳴鳴之德自嫁至老中饋事皆身親之
幼縫之勞終身不廢子婦化服皆循其法公輔後

以文學吏事顯為時名臣

沈括母許氏吳郡人太子洗馬許仲容女烏江主
簿洞妹適錢塘沈周相其夫歷官有聲及春秋高
於內外戚屬為高曾行而慈幼字微愈久彌篤二
子括扶括以文學貴顯名重當世扶入仕亦有吏
材其幼皆母自教之

呂希哲母張氏全椒人侍制昱之女以夫公著貴
封中國夫人嚴於訓子公著居相位擢用盡一時

欽定四庫全書

江南通志
卷一百七十六

六

之選希哲有才行獨淹滯堯庫公著嘗嘆曰當時
善士吾收拾無遺希哲獨以我故置不試命也夫
希哲母賢明有法度聞公著言笑曰是亦未知其
子矣

周虎母何氏臨淮人開禧中虎守和州金兵犯境
虎母傾家貲以犒軍士破敵全城事聞特封感義
郡夫人誥詞畧云使天下為母者皆知以是教子
為子者皆知以是顯親

王埜母鄭氏吳郡人埜以父介歷歷官浙漕忤權
貴丁大全嘗被論埜以母年老託言改除母曰我
已知之昔汝父以忤時相去國汝又如此我方喜
耳何憂

陳質妻丁氏兄丁謂欲官二甥氏固辭俾自學以
德進謂疎然稱嘆鄉里稱為賢母

孫廷臣妻施氏晉陵人嘗書守身二字勉其夫廷
臣第進士姑年九十餘氏奉養備至內外數百指

欽定四庫全書

江南通志
卷一百七十六

七

鳴鼓會食五從同炊邵以事聞詔封仁壽縣君
元李習母姚氏太平人李欽妻幼通經史明大義教
子習翼不令與鄰童相聚嬉戲就傳少怠即不語
不食夜分必持敝衣在旁補綴課讀故二子皆成
名儒

明陳繼母吳氏吳縣人繼生十月父汝言坐法死母
矢志撫孤繼稍長令盡讀父遺書復命從父友王
行俞貞木游得其指授貫穿經學蔚為名儒以大

臣薦擢賓館閣

包節母楊氏華亭人夫亡子節孝俱幼氏督訓甚

嚴二子繼成進士為南北御史並負直聲

吳适母徐氏長洲人勗子力學登第适為給事中

屢進諫言以忤權奸下獄家人駭懼母獨安之曰

吾有子矣及鼎革後适力辭薦舉愛惜名節遵母

教也

國朝宗裔昌母陳氏共縣人早寡字志子裔昌拾遺簪

欽定四庫全書

江南通志
卷一百七十六

八

歸命至其所候還之一日風吹墜二絹於庭陳曰

无妄之獲非我所願且失者必多冤誣訪之則染

肆方意其傭盜去其志操如此康熙二十三年

旌表

白夢鼎母陳氏江寧人明季子夢鼎與弟夢鼎以

公論忤貴人陷獄陳怡然曰子為范滂吾獨不為

滂母乎會國變得釋夢鼎成進士年八十四終

田士龍母王氏泰州人守節六十年教子以義方

舉動不苟士龍祇遵氏教立身砥行舉鄉飲賓氏
年九十有六士龍年亦八十

大學士張英妻姚氏桐城人英位致台輔姚膺封

一品夫人謙謹樸儉如寒門素風居第京師二十

餘年比鄰孺婦稱為老佛教子廷瓚廷玉廷璐廷

瑒繼登華顯廷瓚廷璫文學早卒諸孫亦拔科第

為大官並以名檢自持一門稟承慈訓家風莫尚

焉卒年六十有九

欽定四庫全書

江南通志
卷一百七十六

九

大學士蔣廷錫母曹氏常熟人歸侍御史伊伊以

忠直顯卒官中州子廷錫年甫十九曹天性寬仁

而教子特嚴不少假借自足錫少時母以忠孝大

義痛之平居不苟嘖笑清齋奉佛廷錫由翰林歷

官戶部尚書二十餘年奉母京邸

聖祖仁皇帝賜扁曰般若相曰壽萱錫社

世宗憲皇帝賜扁曰恩榮壽母福壽康寧時加存問養子

甚厚

特恩封一品太夫人卒年八十有一

欽命大臣奠茶酒賜祭並賜銀治喪

贈吏部尚書嵇永仁妻楊氏無錫人永仁以諸生客閩殉

取逆雞楊辛勤守志孝養尊嫜撫七歲孤曾筠親

為督課

詔旌其門曾筠由翰林歷官大學士

特恩封一品太夫人賚予珍羞藥物便蓄絡繹卒年八十

有四

欽定四庫全書

江南通志
卷一百七十六

十

特諭賜祭給帑治喪

汪九漪妻程氏休寧人九漪為諸生勤苦著述氏

佐甘旨奉堂上歡姑黃氏特所鍾愛年踰九十語

次及姑無不流涕教子孫有儀法康熙戊戌孫應

銓以第一人及第明年氏百歲旌表貞壽之

門

御書期頤衍慶四大字內府製扁以賜又明年卒

方舟母吳氏莆田人桐城方仲舒繼室家貧撫前

二女及所生子女凡八人毘勉中饋動循禮法教
二子舟芭學成行立名滿天下芭舉進士直南
書房氏老病奉

特旨御醫視疾頒賜內府藥物酒醴人以為榮

胡宗緒母潘氏桐城人年二十八棲居三子宗緒

臺語皆幼貧不能延師氏自督課非孔孟程朱之

書禁勿閱嘗命僕治宅掘地得金匱之以數十金

獻氏正色曰人貴義命自安藏金豈祥物哉弗納

欽定四庫全書

江南通志
卷一百七十六

十一

慮僕因是得禍立戒遣之年八十三卒雍正五年

旌表

才媛

周管仲妾名婧桓公出遊甯戚叩牛角而高歌公使

管仲迎之戚曰浩浩乎白水管仲不知所謂婧曰

古有白水之詩曰浩浩乎白水儵儵之魚君來召

我吾將安歸此甯戚之欲仕也管仲以報桓公遂

相齊而霸

晉許邁妻孫氏吳郡孫宏女邁好道往來茅嶺遺書謝絕孫氏孫為書答之文詞悱惻以孟光秦女為比欲與同行邁以永和三年入臨安西山後不知所終

南北朝齊韓蘭英吳人宋孝武時獻中興賦被賞入宮明帝世用為宮中職僚齊武帝以為博士教六宮書學以其年老多識呼為韓公

隋劉臻妻陳氏廩郡人有集十卷其元日獻椒花頌

欽定四庫全書

江南通志
卷一百七十六

七

云旋穹周迴三朔肇建青陽散輝澄景載渙美哉

靈花爰採爰獻聖容映之永壽千萬

唐李氏女吳人能詩有詠破錢云半輪殘月掩微塵

依稀猶有開元字想得清光未破時買盡人間不

平事

南楚材妻薛氏臨淮人精書畫善屬文楚材嘗遊

陳顓間顓守墓其儀範欲以女妻之楚材許諾遣

僕歸取琴書似無歸意薛無計沮乃對鏡自圖其

形裁詩寄之曰欲下丹青筆先拈寶鏡端已驚顏
索寞漸覺鬢凋殘淚眼描來易愁腸寫出難恐君
渾忘却時展畫圖看楚材得詩及真大慚遂托詞
拒守

李處道妻龔氏宗元女讀書通大義詩歌書法皆
過人晚年喜誦佛書自名曰守安處道年高而官不
達龔能安之

宋朱億女吳人淑行婉質工琴書至道初裴愈奉使

欽定四庫全書

江南通志
卷一百七十六

七

兩浙聞其才奏召入宮掖賜號白蓮花夫人後出

俗刺血書蓮花經一部改賜慈濟廣惠大師億孫

女二十娘子嫁朝請郎李防亦聰慧作混元圖

祝禱妻徐氏吳人敏慧能詩其筆墨畦徑多本社

甫而清平冲淡蕭然出塵尤工賦有閨秀集二卷

行世

黃由妻胡氏平江尚書元功之女善筆札時作詩

文並可觀尤工寫竹自號惠齋居士

沈清友吳人能詩咏漁父云起家紅蓼岸傳世綠
簑衣又有為甚鱸魚低價賣年來朝市怕秋風之
句

唐氏女子能書者蘇子瞻有觀唐氏書詩曰唐氏
能書十載聞誰知精絕句紅裙百金競買蒲葵扇
不必更求王右軍

元鄭允端字正淑宋左丞相魏國清之後居吳中號

花橋鄭家嫁同郡施伯仁姻內則能詩文至正間

欽定四庫全書

江南通志
卷一百七十六

家為賊破年三十而歿宗族私諡曰貞懿有集曰

肅雖自為序

明馬閑卿字芷居江寧陳太僕沂繼室年近八旬不

廢吟咏書法蘇軾頗與沂相類善山水白描有芷

居集

周潔字玉如江寧人歸臨桂張鳴鳳數年後貽書

省父寄詩一冊名雲巢集金陵士人競傳寫之

薛蘭英 蕙英吳人皆能詩建一樓二女日吟咏

其中有詩數百首曰聯芳集楊鐵崖製西湖竹枝
曲和者百餘家二女曰西湖有竹枝曲東吳獨無
竹枝曲乎乃效其體作蘇臺竹枝十章楊見其稿
手題二詩極為嗟賞

孟淑卿吳人工詩詞自號荊山居士嘗論朱淑貞
詩云作詩須脫胎化質僧詩貴無香火氣鉛粉亦
然朱生故有俗病李易安可與語耳徐昌穀稱其詩
直欲與文姬羽仙輩爭長

欽定四庫全書

江南通志
卷一百七十六

孫某妻顧氏崑山顧茂倫之妹才思甚富嘗賦春

日詩何元朗謂可置玉臺新咏中

趙宦光妻陸卿子吳人尚寶卿師道女宦光廬墓

寒山卿子與偕卿子工詞章翰墨流布一時賦詠

之作典雅可誦論者皆稱其學殖優於宦光有雲

臥閣及考槃元芝等集子婦文淑

趙均妻文淑字端容待詔徵明元孫女性明惠敦

詩習禮均家日落而好賓客晨夕百需皆出淑十

指善寫生圖得千種名曰寒山草木昆蟲狀題署
皆工貴姬委女爭來師事無子有女曰昭嫁平湖
馮氏有才藻而孝淑夫婦歿手撰其事狀使嗣子
錕請銘於當代巨公

范允臨妻徐媛字小淑允臨以臨池負時名而小
淑多讀書好吟咏與寒山陸卿子唱和所著有絡
緯吟

葉紹袁妻沈宜修字宛君吳江人紹袁官工部郎

欽定四庫全書

江南通志
卷一百七十六

共

中風流韶令宜修年十六來歸生三女長曰紈紈
次曰蕙紈幼曰小鸞蘭心蕙質皆女秀也宜修與
三女題花賦草中庭之咏不減謝家紈紈小鸞皆
不永年宜修神傷心死未幾卒紹袁合妻女所著
詩曰午夢堂集行於世

葉紈紈字昭齊生三歲能朗誦長恨歌十三能詩
書法遒勁有晉風歸趙田袁氏幼妹小鸞殤哭妹
過哀發病卒年二十有三

葉小鸞字瓊章四歲能誦楚詞十歲與母宜修初
寒夜坐母云桂寒清露濕即應云楓冷亂紅凋善
琴能撫山水寫落花飛蝶皆有致將婚而歿年十
七

沈自微妻張倩倩自微為沈宜修弟而倩倩即宜
修之姑之女也美而惠無子女乃女宜修之季女
小鸞年三十四卒工詩詞作即棄去小鸞記憶其
數首宜修為作傳並錄小鸞所記詩附傳中自微

欽定四庫全書

江南通志
卷一百七十六

七

繼室李玉照亦能詩又宜修妹智瑤宜修弟君晦
二女憲英華髮又同里周某妻沈媛媛女蘭英一
時倡酬哀輓之作流布人間稱為閨房勝事

顏懋宏妻朱柔英崑山人懋宏官知州有才名而
柔英與之揚推今古倡和為聲詩所著雙鳥禱衣
二賦及三體諸詩音節通唐人刻有雙星館集
沈蕙端字幽馨吳江人精曲律作小令為時人所

傳

王徽妻顧氏崑山人幼秉家訓嫻書史所為詩文動中格律已而徽早世屏去筆研焚其稿唯闔節孝慈懿事間援筆為之督遺孤榮為名孝廉

周泰妻婁氏長洲人博通五經子弟就學者日眾即家立講堂隔幔分課泰令樂會卒於官婁奉骸骨歸塋節操彌著

文良卿長洲人都憲森女森疏劾劉瑾家人羣沮之良卿獨否人問故答曰大人忠鯁居言路如是

欽定四庫全書

江南通志
卷一百七十六

九

分也字孝廉毛錫朋姑韓喜讀書嘗撰北齊史演

義以娛之性友愛有妹早寡良卿為造小閣居之晨夕需皆饋焉

張本嘉妻王鳳嫻華亭人工詩二女引元字文妹引慶字媚妹皆精翰藻母子相倡和有焚餘草雙燕遺音傳於世

陸媚松江人陸德蘊女德蘊有高行為沈周之師媚能詩後歸馬龍

斗娘松江女子吳人沈津吏隱錄載其送夫姚生詩語意清雅膾炙一時

錢氏女揚州人正統間有詩名詩見高播明詩粹選

沈承妻薄少君太倉人承有萬才而天薄為詩百首弔之踰年值承忌醉酒一慟而絕

方孔昭妻吳令儀字棣倩桐城人諭德應賓女應賓翰苑鉅儒令儀積習夙教相夫課子具有儀法

欽定四庫全書

江南通志
卷一百七十六

九

早卒其姑方維儀搜其遺稿傳世

姚孫榮妻方維儀桐城人歸姚再期而夫亡乃請大歸守志與弟婦吳令儀以文史代織維則古今宮閨詩史主於刊落淫哇區明風烈有清芬閣集七卷

屠金樞妻沈天孫字七裏寧國人歸鄞縣屠長卿子金樞長卿女瑤琴字湘靈與天孫徵事紬書分題授簡長卿妻亦諳篇章每有詠咏就商訂焉長

卿詩云姑婦懽相得西園結伴行分題花共笑
錦句先成一時士夫豔稱之天孫瑤琴皆早世兩
家兄弟彙刻其詩曰留香草

濮琰妻鄒氏名賽真當塗人博學工詩時以為女
士有未齋詩三卷女夫費少師宏為序稱其詩篇
什嚴整儼然并幃中道學宿儒子韶弘治丙辰進
士官編修

芮儒妻端氏名淑卿當塗人教諭端廷弼女幼從

欽定四庫全書

江南通志
卷一百七十六

五

父讀毛詩列女傳女範諸篇輒能解算總後博通
羣書備有儀法與其夫白首相莊里黨重之有緣
憲詩稿年九十餘

國朝楊元咎繼妻張學典字羽仙吳郡徵君端拱女工
詩詞十歲作採蓮賦見者皆擊賞之兼精繪事與
元咎窮居偕隱日手經史教二子繼光繩武皆成
名所著有花樵集十餘卷同母姊妹七人各有集
第五妹學象字凌仙與學典學生詩名亦相埒集

曰所隱中歲而寡貧不能自存學典分宅居之學
象年老白髮絳紗為世女宗學典兩女芝芳女孫
錦並能詩芝適當湖文學汪彰早寡無子依母氏
以居有淑芳集

吳詔妻張繁字采于吳人幼通文史工吟咏有漸
棲集清平和婉得風人之遺子岳通經術詩亦工
繁所指授也

嚴廷鏐妻孫嫫吳郡人幼明慧嫫經史兼工藻繪

欽定四庫全書

江南通志
卷一百七十六

五

早寡寒燈敗帷辛苦四十載晚課女孫輯古名媛
文百餘首細為評註名曰古文擊鑑識者以為可
補中壘列女傳汝南女典之缺巡撫張伯行表其
廬榜曰獨嫫大義

秦德澄妻王氏無錫人金壇王彥泓女彥泓風度
清峻以詩名於世氏素承家訓聰慧善吟咏兼工
繪事為沒骨花鳥於前人規格外自闢畦徑年二
十餘寡居守節自號孱提道人又曰無生子有集

三卷自為序之

楊悅妻王氏上海人光承女善詩有玉榮集

徐基妻張氏華亭人善詩有繡餘草教其女亦能

詩

王之珊妻縣人周煒女許字平湖高岱未嫁卒聰

穎善讀書能詩著有露香樓集卒年二十

黃克堅歆人曰瑚女幼聰慧喜為詩一字未安即

竟日忘食歸鄭未幾卒年二十著有繡餘集

欽定四庫全書

江南通志
卷一百七十六

陳士更天長人教授以剛女侍父讀書即解學字

及詩文即工後贅壻李於池州學署母病奉湯藥

八年不少怠母卒代秉家政父善病又悼亡恒鬱

鬱女輒引故事或為小詩以解之卒年三十

龔克和妻馬荃字江香常熟人夫婦俱工書畫求

者貴若拱壁家貧偕至京師以繪事給衣食未幾

夫亡有貴客慕其賢欲得之荃截髮自誓扶柩歸

里立姪為嗣緝蠲染翰飲水茹荼郡守章華表其

間為作節婦傳

唐方沂母吳氏上海人通內則明大義謀謹勸模

不苟言笑其夫獻賦遠遊姑包氏疾供湯藥晝夜

不眠夫弟幼未婚出奩具為之聘娶以娛病痺馭

下寬仁而訓子獨嚴時教以讀書奮志親黨井里

中有以急告者無不濟自奉則清齋布素紡績紉

縫終身不廢

欽定四庫全書

江南通志
卷一百七十六

江南通志卷一百七十六

欽定四庫全書

江南通志卷一百七十七

人物志

列女 義烈一 江蘇松常四府

江寧府

宋俞氏溧水人少寡里中惡少慕其色脇以刃不從而死因名其市曰節婦里

趙淮妾一名翠蓮一名綠雲淮被執二妾相從淮

欽定四庫全書

江南通志卷一百七十七

死元帥欲納之二妾請先葬淮擇吉以從許之至

江干焚淮骨置器中抱持赴水死

元劉桐妻孫氏高淳人桐官平江兵亂城陷掠孫氏

不從被害二女乞掩親骨至江濱皆赴水死

趙氏三烈婦宗澤妻衡氏棟妻夏氏楷妻劉氏俱

建康人汝穎兵陷建康三氏皆投水死

王容妻陳氏溧水人與妾汪氏俱年少遇淮寇不

辱而死

闕文興妻王氏建業人文興從軍漳州氏與俱行

陳弔眼作亂文興戰沒氏被掠給賊募夫負屍還

積薪焚之投火死贈貞烈夫人

范山婦佚氏姓至元中值兵亂被執至崇賢鄉碑

亭嚙指題詩赴水死詩云君王有難妾當棄子

離夫被虜來遙望花山何處是存亡兩地亦哀哉

陰有光妻張氏句容人年十五歸陰六年而有光

卒父母欲奪其志自刎死

欽定四庫全書

江南通志卷一百七十七

明朱熙耀妻華氏朱熙代妻張氏俱句容人娣姁孀

居大兵臨城下懼為所辱赴水死華氏子之楷張

氏二幼女並哀泣自沈

庠生孔允珂妻王氏孔允珙妻吳氏俱高淳人同

舟避亂遇賊負子投水死

俞熊妻周氏溧水人為亂兵所挾同婢投水死婢

失名

王汝梅妻楊氏高淳人兵執不辱被數十刃死